

ՎՐԱՍՏԱՆ - ՀԱՅԱՍՏԱՆ

ԻՐԱԿԼԻ ՂԱՐԻԲԱՇՎԻԼԻ. «ՆՄԱՆ ԲԱՐՁՐ ՀԱՐԱԲԵՐՈՒԹՅՈՒՆՆԵՐ ՄԵՐ ԵՐԿՐՆԵՐԻ ՄԻՋԵՎ ԴԵՌ ԶԵՆ ԵՂԵԼ»

Դեկտեմբերի 20-ին, երկօրյա աշխատանքային այցով Թբիլիսի ժամանեց Հայաստանի կառավարական պատվիրակությունը՝ վարչապետ Նիկոլ Փաշինյանի գլխավորությամբ: Այցի շրջանակներում, երկու երկրների վարչապետների նախագահությամբ անցկացվեց վրաց-հայկական միջկառավարական տնտեսական համեմատողովի նիստը:

Թբիլիսիի Հոթա Ռուսթավելու անվան միջազգային օդանավակայանում Հայաստանի վարչապետին եւ պատվիրակության անդամներին դիմավորեցին Վրաստանի փոխվարչապետ, արտաքին գործերի նախարար Դավիթ Ջալալիանին, Վրաստանում Հայաստանի արտակարգ եւ լիազոր դեսպան Ռուբեն Սադոյանը, որը ներկա էր հաջորդիվ կայացած բոլոր համդիպումներին:

Վրաստանի կառավարական գրասենյակում Հայաստանի վարչապետին եւ պատվիրակության անդամներին դիմավորեց Վրաստանի վարչապետ Իրակլի Դարիբաշվիլին: Փոխադարձ ողջույններից հետո, կայացավ երկու երկրների վարչապետների առանձնագրույցը, որին հաջորդեց վրաց-հայկական միջկառավարական տնտեսական համեմատողովի լիակազմ նիստը:

ՎԱԶԱՊԵՏԵՐԸ ԿԱՐԵՎՈՐԵՑԻՆ ԱՌԿԱ ՆԵՐՈՒԹԻ ԼՐԻՎ ԳՈՐԾԱՐԿՄԱՆ ԿԱՐԵՎՈՐՈՒԹՅՈՒՆԸ

Վրաստանի կառավարական գրասենյակում Վրաստանի եւ Հայաստանի վարչապետ Իրակլի Դարիբաշվիլու եւ Նիկոլ Փաշինյանի առանձնագրույցին կողմերը կարեւորեցին Վրաստանի եւ Հայաստանի միջեւ տնտեսական համագործակցության միջկառավարական համեմատողովի հերթական նիստի անցկացումը, որը միտված էր երկկողմ առեւտրատնտեսական հարաբերությունների հետագա զարգացմանն ու ամրապնդմանը, նաեւ համոզմունք հայտնեցին, որ երկու երկրների տնտեսական կապերի ընդլայնման մեծ ներուժ կա, եւ ջանքերը պետք

է ուղղել այն լավագույնս ու արդյունավետ իրացնելու ուղղությամբ:

Ձրույցին կողմերը կենտրոնացան տարածաշրջանում տիրող իրավիճակի եւ առկա մարտահրավերների լուծման ուղղությամբ համատեղ ջանքերի կարելիության վրա:

Իրակլի Դարիբաշվիլին նշեց, որ ՄԱԿ-ի Գլխավոր ասամբլեայում իր կողմից հնչեցված «Խաղաղ հարեւանության միասնականությունը» ծառայում է տարածաշրջանում խաղաղությանն ու կայունությանը:



(Հարունակությունը՝ 2-րդ էջում)

ՏԱՐԵԿԱՆ ՀԱՇՎԵՏՎՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ՀԱՍՈՉՎԱԾ ԵՄ, ՈՐ ՀԱՄԱՏԵՂ ԶԱՆՔԵՐՈՎ ԿԿԱՐՈՂԱՆԱՆՔ ՎՐԱՍՏԱՆԻ ԶԱՐԳԱՑՈՒՄԸ ՀԱՍՑՆԵԼ ՈՐԱԿԱԿԱՆ ՆՈՐ ՄԱԿԱՐԴԱԿԻ»

Դեկտեմբերի 18-ին Վրաստանի վարչապետ Իրակլի Դարիբաշվիլին հանդես եկավ իր գլխավորած կառավարության մեկամյա գործունեության արդյունքների հանրագումարային եւ առաջիկա ծրագրերի ներկայացման ելույթով:

«ՎՐԱՑԱԿԱՆ ԵՐԱՋԱՆՔԸ» 2012 ԹՎԱԿԱՆԻՑ ԱՐԺԱՆԱՆՈՒՄ Է ԺՈՂՈՎՐԴԻ ՎՍԱՅՈՒԹՅԱՆԸ

Վրաստանի վարչապետ Իրակլի Դարիբաշվիլին իր հանրագումարային ելույթում մանրամասն խոսեց անցնող տարվա ընթացքում կառավարության կողմից իրականացված միջոցառումների մասին: Անդրադառնալով 2021 թվականի կարելի իրադարձությանը, տեղական ինքնակառավարման մարմինների ընդգրկվածությունը՝ վարչապետը նշեց, որ «Վրացական երազանքը» անցկացրեց բացառիկ գործարար եւ խաղաղ նախընտրական քարոզարշավ, բնակչությանը ներկայացրեց լայնածավալ, իրատեսական ծրագրեր եւ համոզիչ հաղթանակ տարավ 63 մունիցիպալիտետներում: - Եական մարտահրավեր էին տեղական ինք-

նակառավարման մարմինների ընտրությունները, որոնք ընդդիմությունն անվանեց հանրաքվե եւ իր ողջ ռեսուրսները ներդրեց նախընտրական գործընթացում առկա ստի ու բռնության մեջ: Այս հաշվապետական ուժերը նույնիսկ ծրագրել էին քաղաքացիական առձևակառուցում, բայց պետությունը իր գազաթնակետում էր եւ կլինի: Համապատասխան ծառայությունները ցուցաբերել են բարձր պրոֆեսիոնալիզմ եւ խուսափել սպասվող արյունահեղությունից, հասարակության սպասվող ապակայունացումից: Մեր թիմն անցկացրեց ուշագրավ գործարար եւ խաղաղ ընտրարշավ, բնակչությանը ներկայացրեց լայնածավալ եւ միեւնույն ժամանակ իրատեսական, ժամանակային ծրագրեր (Հարունակությունը՝ 4-րդ էջում)

«ՎՐԱՍՏԱՆԸ» 100 ՏԱՐԵԿԱՆ Է

100-ԻՑ 30 ՏԱՐԻՆԵՐԸ «ՎՐԱՍՏԱՆԻ» ՀԵՏ ԵՄ



ՆԱՏԱՆ ԿԻՈԲԱՎԵ

նի հետ: Նաեւ իմ խորին շնորհակալությունն եմ ցանկանում հայտնել թերթի գլխավոր խմբագիր Վան Բայբուրյանին, խմբագրության բոլոր աշխատակիցներին, այդ տարիների ընթացքում ձեւավորված ջերմ, բարեկամական համագործակցության համար:

(Հարունակությունը՝ 5-րդ էջում)

ՀՆՈՐՀԱՎՈՐ ՏՈՆԻ, ՄԵՐ ՀԱՐՅՈՒՐԱՄՅԱ ԲԱՐԵԿԱՍ

Թեւեւ հայալեզու

«Վրաստան» թերթը պատկանում է ողջ վիրահայությանը, բայց եւ ամեն մի ընթերցողի համար ուրույն է ու յուրովի: Մեզանից յուրաքանչյուրը թերթի քաղաքական, հասարակական իրադարձություններին, սոցիալական կյանքին, կրթական համակարգին վերաբերող հրապարակումներում կամ մշակութային գործիչներին, մեծ բանաստեղծներին ու արվեստագետներին ներկայացնող խորագրերում գտնում է իր համար կարելիորը:

(Հարունակությունը՝ 5-րդ էջում)



ՆԱԻՐԱ ԻՍԱԽԱՆՈՎԱ

ՊԵՏՐՅՈՒՋԵ - 2022

ԽՈՐՀՐԴԱՐԱՆԸ ՀԱՍՏԱՏԵՑ 2022 ԹՎԱԿԱՆԻ ԳԼԽԱՎՈՐ ՖԻՆԱՆՍԱԿԱՆ ՓԱՍՏԱԹՈՒՂԹԸ

Վրաստանի խորհրդարանը հաստատեց 2022 թվականի պետական բյուջեն: Հիմնական ֆինանսական փաստաթուղթը ընդունվեց քվեարկությամբ՝ 78 կողմ ձայնով: Դեմ է քվեարկել միայն 1 պատգամավոր:

Սահմանվել է, որ 2022 թվականի պետական բյուջեն կկազմի 19,17 մլրդ լարի, ինչը բյուջեի նախագծի նախորդ տարբերակի համեմատ ավելացել է 332 մլն լարիով:



2022 թվականի պետական բյուջեի եկամուտների ընդհանուր ծավալն աճել է 336,2 մլն լարիով եւ սահմանվել՝ 19,3 մլրդ լարի:

(Հարունակությունը՝ 3-րդ էջում)

COVID - 19

ԱՄԻՐԱՆ ԳԱՄՐԵԼԻՋԵ. «ՕՄԻԿՐՈՆԻ» ԴԵՊԵՐԻ ՊԱՏՃԱՌՈՎ ՀԱՄԱՎԱՐԱԿԱՅԻՆ ԻՐԱՎԻՃԱԿԻ ԱՐԱԳ ՎԱՏԹԱՐԱՅՈՒՄ ԶԵՄ ԱԿԵԿԱՆՈՒՄ»

Վրաստանում հաստատվել է կորոնավիրուսի նոր «Օմիկրոն» շտամով վարակման 29 դեպք: «Օմիկրոնի» առաջին երկու դեպքերը Վրաստանում հաստատվեցին դեկտեմբերի 20-ին, օրվա ճեպատուխի ժամանակ Հիվանդությունների վերահսկման ազգային կենտրոնի ղեկավար Ամիրան Գամդրելիձեն հանդես եկավ հայտարարությամբ:

- Վարակվածները Վրաստանի քաղաքացիներ են, ովքեր ԱՄՆ եւ Մերձավոր Արեւելք, մասնավորապես Դուբայ մեկնելու պատմություն ունեն: Երկուսն էլ մեկուսացված են: Նրանց հետ շփում ունեցած 26 մարդ հետազոտություն է անցնում, ասաց Ամիրան Գամդրելիձեն: Հիվանդությունների վերահսկ-



ման ազգային կենտրոնի ղեկավար Ամիրան Գամդրելիձեի խոսքով, թեւեւ երկուսն գրանցվել են «Omicron» շտամի դեպքեր, սակայն այս փաստը դժվար թե ծայրահեղորեն փոխի փոքր-ինչ կայունացած համավարակային իրավիճակը:

(Հարունակությունը՝ 6-րդ էջում)

ՎՐԱՍՏԱՆ - ՀԱՅԱՍՏԱՆ

ԻՐԱԿԼԻ ՂԱՐԻԲԱՇՎԻԼԻ. «ՆՄԱՆ ԲԱՐՁՐ ՀԱՐԱԲԵՐՈՒԹՅՈՒՆՆԵՐ ՄԵՐ ԵՐԿՐՆԵՐԻ ՄԻՋԵՎ ԴԵՌ ՉԵՆ ԵՂԵԼ»

(Սկիզբը՝ 1-ին էջում)



Քանի որ ժողովրդավարական զարգացմանը, ուժեղ պետական ինստիտուտները, բայց եւ թափանցիկ կառավարմանը, տնտեսական առաջընթացին հնարավոր է հասնել միայն խաղաղության եւ տարածաշրջանային կայունության միջոցով:

Առանձնագրույցի ընթացքում Իրակլի Ղարիբաշվիլին եւ Նիկոլ Փաշինյանը մտքեր փոխանակեցին Հարավային Կովկասում տեղի ունեցող զարգացումների, ինչպես նաեւ երկկողմ հետաքրքրություններ կայացնող այլ հարցերի շուրջ:

ԱՆՑԿԱՑՎԵՑ ՄԻՋԿԱՌԱՎԱՐԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎԻ ՆԻՍՏ

Վրաստանի եւ Հայաստանի վարչապետերի առանձնագրույցին հաջորդեց երկու երկրների միջկառավարական տնտեսական հանձնաժողովի լիակազմ նիստը՝ Վրաստանի եւ Հայաստանի կառավարական պատվիրակությունների մասնակցությամբ:

Նիստի մեկնարկին Իրակլի Ղարիբաշվիլին եւ Նիկոլ Փաշինյանը հանդես եկան հակիրճ հայտարարություններով:

ԻՐԱԿԼԻ ՂԱՐԻԲԱՇՎԻԼԻ. «ՄԵՐ ՄԻՋԵՎ ԱՌԿԱ ՇԱՏ ՄԵՐՏ ՀԱՐԱԲԵՐՈՒԹՅՈՒՆՆԵՐԸ ՊԵՏՔ Է ՆՊԱՏՏԵՆ ԻՐԱԿԱՆ ԳՈՐԾԻՆ»

Վրաստանի վարչապետ Իրակլի Ղարիբաշվիլին, ողջունելով իր հայ գործընկերոջը, հայտարարեց.

- Ինձ համար մեծ պատիվ է հյուրընկալել Ձեզ Վրաստանում, ողջունում եմ իմ բարեկամ վարչապետ Փաշինյանին թերթիսիում: Պարոն վարչապետ, սա այս տարվա ընթացքում Ձեր երկրորդ այցն է Վրաստան, զոհունակությամբ ուզում եմ նշել, որ ես եւս երկու անգամ եղել եմ Երեւանում: Ուրախությամբ եմ նշում, որ մեր միջեւ առկա են սերտ համագործակցության, բարեկամության վրա խարսխված հարաբերություններ եւ այդ վերաբերմունքի համար շնորհակալություն եմ հայտնում:

Շնորհակալություն եմ ցանկանում հայտնել Ձեզ նաեւ նրա համար, որ մեր նախաձեռնությամբ ու պայմանավորվածությամբ այսօր անցկացվող միջկառավարական տնտեսական հանձնաժողովի նիստը տեղի է ունենում վարչապետերի մակարդակով: Այս հանձնաժողովը վերսկսեց գործունեությունը Ձեր անձնական նախաձեռնությամբ, տարիներ շարունակ նիստեր չէին ընթանում:

Մենք շահագրգռված ենք, որ մեր միջեւ առկա շատ սերտ, բարեկամական հարաբերությունները նպաստեն իրական գործին՝ զարգացնելու առևտրատնտեսական կապերը, խոսելու տարածաշրջանային, ենթակառուցվածքի եւ այլ նախագծերի մասին, որոնք հետաքրքիր կլինեն մեր երկրներին:

Ցանկանում եմ նշել, որ մեր երկրների միջեւ հարաբերությունները գտնվում են բարձր մակարդակի վրա, հպարտությամբ եւ հաճությամբ ուզում եմ ասել, որ նման հարաբերություններ մեր երկրների միջեւ չեն եղել: Միշտ ունեցել ենք սերտ, բարեկամական հա-

րաբերություններ, բայց մեր վաստակն է, որ մեր կառավարությունների, երկրների միջեւ ոչ մի չհասկացված հարց չկա, ունենք իդեալական հարաբերություններ:

Ցանկանում եմ նշել նաեւ, որ հետաքրքրված ենք տարածաշրջանային խաղաղությամբ ու կայունությամբ: Վրաստանը միշտ մոտիվացված է այս գործընթացում ստանձնելու կարելուհանդիմանում, եւ այդ նպատակով ես խաղաղ հարեւանության նախաձեռնություն եմ հնչեցրել: Պարոն վարչապետ, հաստատում եմ, որ մենք մշտապես պատրաստ ենք տարածաշրջանով խաղաղության եւ կայունության զարգացման գործում մեր ներդրումը բերել, - հայտարարեց Վրաստանի վարչապետը:

ՆԻԿՈԼ ՓԱՇԻՆՅԱՆ. «ՀԱՄԱՐ ԴԺՎԱՐՈՒԹՅՈՒՆՆԵՐԻՆ, ՄԵՐ ԵՐԿՐՆԵՐԻ ՀԱՐԱԲԵՐՈՒԹՅՈՒՆՆԵՐԸ ԹԵՎԱԿՈՒՆԵԼ ԵՆ ՈՐԱԿԱՊԵՍ ՆՈՐ ՓՈԽ»

Հայաստանի վարչապետ Նիկոլ Փաշինյանը, շնորհակալություն հայտնելով վրաց գործընկերներին ջերմ, ավանդական ընդունելության համար, հայտարարեց.

- Գոհունակությամբ պետք է արձանագրեմ, որ չնայած դժվարություններին, այսօր մեր երկրների հարաբերությունները թեւակոխել են որակապես նոր փուլ եւ հաջողություններ արձանագրել ամենատարբեր ոլորտներում:

2019 թվականին Վրաստանի հետ մենք հավակնոտ նշանող սահմանեցինք՝ խնդիր դնելով երկկողմ առևտրաշրջանառության ծավալը միջնաժամկետում հասցնել տարեկան 1 միլիարդ դոլարի: Կորոնավիրուսի համավարակն արգելակեց այս գործընթացը, բայց հիմա, երբ սովորում ենք ապրել կորոնավիրուսի հետ զուգահեռ, առաջարկում եմ վերահաստատել այս մտադրությունը, վարչապետ Ղարիբաշվիլի, հետ արդեն քննարկել ենք եւ փորձելու ենք մինչեւ 2026 թվականը մեր երկրների միջեւ առևտրաշրջանառությունը հասցնել 1 միլիարդ դոլարի: Տնտեսական համագործակցության միջկառավարական հանձնաժողովը վերոնշյալ իրականացման լավագույն հարթակներից է, եւ վերը նշված նշանողին հասնելուն ուղղված կարելուհանդիմանում ենք երկու երկրների ղեկավարները, ինչը նույնպես անմախաղեպ է:

Ցանկանում եմ ընդգծել, որ Հայաստանի եւ Վրաստանի միջեւ տնտեսական համագործակցության խորացման կարելուհանդիմանում եմ հարգելու համար խաղաղության եւ փոխվստահությունը, որը խարսխված է մեր ժողովուրդների պատմական եղբայրության վրա:

Մի փոքր շեղվելով պաշտոնական արարողակարգից՝ պիտի ընդգծեմ մեր հարաբերությունների մարդկային եւ էմոցիոնալ հարթությունը: Ընդ որում, սա վերաբերում է ոչ միայն վարչապետ Ղարիբաշվիլիին եւ իմ հարաբերություններին, այլեւ մեր կառավարությունների բազմաթիվ անդամների հարաբերություններին: Հենց նոր հնչեցված այն թեզը, որ մեր ժողովուրդները դարերից եկող եղբայրական կապեր ունեն, այսօր, հենց հիմա արտահայտվում է մեր կառավարությունների ոչ միայն պաշտոնական, այլեւ մարդկային հարաբերությունների մակարդակով:

Կա մարդկային, անձնական լուրջ փոխվստահություն ու հարգանք եւ մենք պիտի արժեւորենք ու ամրացնենք այդ վստահությունը եւ հարգանքը:

Հայաստանի Հանրապետության եւ Վրաստանի ղեկավարների հանդիպումները պարբերական են, եւ մենք հնարավորություն ենք ունենում անդրադառնալ երկկողմ հարաբերությունների ողջ օրակարգին: Երկկողմ ձեռնապահով Վրաստանի վարչապետի հետ մենք այս տարի հանդիպել ենք արդեն չորս անգամ: Նման դիմապահ մեր երկրների հարաբերությունների մեջ նախկինում երբեք չի եղել, եւ մեր մեծագույն խնդիրն է այս ամենի արդյունքում տնտեսական փոխգործակցության մեր մակարդակ ձեւավորել: Ուզում եմ ընդգծել նաեւ, որ մենք մեր քաղաքական հարաբերությունների ավան-

դական բարձր մակարդակն առավել ինստիտուցիոնալ դարձնելու կարիք ու անհրաժեշտություն ունենք, - հայտարարեց Նիկոլ Փաշինյանը:

ԱՍՏՈՐԱԳՐՎԵՑ ՎՐԱՑ-ՀԱՅԿԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎԻ ՆԻՍՏԻ ԱՐՁԱՆԱԳՐՈՒԹՅՈՒՆԸ

Դեկտեմբերի 20-ին Վրաստանի եւ Հայաստանի վարչապետերի նախագահությամբ անցկացված միջկառավարական տնտեսական հանձնաժողովի 11-րդ նիստի ավարտից հետո, երկու վարչապետերը ստորագրել են հանձնաժողովի նիստի արձանագրությունը:



Հանձնաժողովի նիստի ավարտին՝ Վրաստանի կառավարության ղեկավարը շնորհակալություն հայտնեց իր հայ գործընկերոջը Վրաստան կատարած այցի համար եւ ընդգծեց երկու երկրների միջեւ սերտ համագործակցության կարելուհանդիմանը:

Վարչական տնտեսական հանձնաժողովի 11-րդ նիստի ավարտից հետո, երկու վարչապետերը ստորագրել են հանձնաժողովի նիստի արձանագրությունը:

Հանձնաժողովի նիստի ավարտին՝ Վրաստանի կառավարության ղեկավարը շնորհակալություն հայտնեց իր հայ գործընկերոջը Վրաստան կատարած այցի համար եւ ընդգծեց երկու երկրների միջեւ սերտ համագործակցության կարելուհանդիմանը:

ԱՇԽԱՏԱՆՔԱՅԻՆ ԸՆԹՐԻՔ Ի ՊԱՏԻՎ ՆԻԿՈԼ ՓԱՇԻՆՅԱՆԻ

Վրաց-հայկական միջկառավարական տնտեսական հանձնաժողովի 11-րդ նիստի ավարտից հետո, Վրաստանի վարչապետ Իրակլի Ղարիբաշվիլին աշխատանքային ընթերցանություններ անցկացրեց իր հայ գործընկեր Նիկոլ Փաշինյանի պատվին:



Ընթերցանություններ անցկացրեց իր հայ գործընկեր Նիկոլ Փաշինյանի պատվին: Ընթերցանություններ անցկացրեց իր հայ գործընկեր Նիկոլ Փաշինյանի պատվին: Ընթերցանություններ անցկացրեց իր հայ գործընկեր Նիկոլ Փաշինյանի պատվին:

Ընթերցանություններ անցկացրեց իր հայ գործընկեր Նիկոլ Փաշինյանի պատվին: Ընթերցանություններ անցկացրեց իր հայ գործընկեր Նիկոլ Փաշինյանի պատվին:

ՀԱՅԱՍՏԱՆԻ ՎԱՐՉԱՊԵՏԻ ԱՇԽԱՏԱՆՔԱՅԻՆ ԱՅՑԸ ԱՎԱՐՏՎԵՑ

Դեկտեմբերի 21-ին ավարտվեց Հայաստանի վարչապետ Նիկոլ Փաշինյանի երկօյա աշխատանքային այցը Թբիլիսի:

Թբիլիսիի Շոթա Ռուսթավելու անվան միջազգային



օդանավակայանում Հայաստանի վարչապետին եւ նրա գլխավորած պատվիրակության անդամներին ճանապարհեցին Վրաստանի վարչապետ Իրակլի Ղարիբաշվիլին, պաշտոնատար այլ անձինք:

Նույն օրը Նիկոլ Փաշինյանի գլխավորած կառավարական պատվիրակությունը ժամանեց Երեւան:

Վրաստանի կառավարության եւ Հայաստանի կառավարության մամուլ ծառայությունները հատուկ «Վրաստանի» համար

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՊԵՏՐՅՈՒՋԵ - 2022

ԽՈՐՀՐԴԱՐԱՆԸ ՀԱՍՏԱՏԵՑ 2022 ԹՎԱԿԱՆԻ ԳԼԽԱՎՈՐ ՖԻՆԱՆՍԱԿԱՆ ՓԱՍՏԱԹՈՒՂԹԸ

(Սկիզբը՝ 1-ին էջում)


Համախառն ներքին արտադրանքի (ՀՆԱ) մասով 2022 թվականին հարկային եկամուտները կկազմեն 24,0 տոկոս, մինչդեռ միջնաժամկետում այն պահպանվում է 23,8 տոկոսի մակարդակում:

Ինչ վերաբերում է պետական գերատեսչությունների ֆինանսավորման ծավալին, ապա. 10 մլն լարիով ավելացվել են բռնագավթած տարածքներից տեղահանվածների, աշխատանքի, առողջապահության եւ սոցիալական հարցերի նախարարության հատկացումները:

Կրթության եւ գիտության նախարարության ֆինանսավորումն ավելացվել է 25 մլն լարիով: Ընդհանուր ֆինանսավորումը կազմում է մոտ 1,7 մլրդ լարի: Մշա-

կույթի, սպորտի եւ երիտասարդության նախարարության ֆինանսավորումն ավելացվել է 1 մլն լարիով: Նախարարության ընդհանուր ֆինանսավորումը կազմում է 357,8 մլն լարի: Էկոնոմիկայի եւ կայուն զարգացման նախարարության ֆինանսավորումն ավելացվել է 155 մլն լարիով: Ընդհանուր ֆինանսավորումը կազմում է 932,4 մլն լարի: Տարածաշրջանային զարգացման եւ ենթակառուցվածքների նախարարության հատկացումները կավելանան 5 մլն լարիով: Նախարարության ընդհանուր ֆինանսավորումը կկազմի 2,8 մլրդ լարի: Արդարադատության նախարարության ֆինանսավորումն ավելացվել է 15 մլն լարիով եւ ընդհանուր ֆինանսավորումը կկազմի 310,6 մլն լարի: Պաշտպանության նախարարության հատկացումներն ավելա-

ցել են 40 մլն լարիով: Նախարարության ընդհանուր ֆինանսավորումը կազմում է մեկ մլրդ լարի: Գերագույն դատարանի հատկացումն ավելացել է 400,0 հազար լարիով (ընդհանուր ֆինանսավորումը կազմում է 14,4 մլն լարի)՝ աշխատանքի վարձատրությունն ամբողջությամբ ֆինանսավորելու համար: Դատախազության հատկացումն ավելացվել է 2,6 մլն լարիով եւ ընդհանուր ֆինանսավորումը կազմում է 47,9 մլն լարի: Պետական պահպանության հատուկ ծառայության հատկացումն ավելացվել է 1,9 մլն լարիով եւ ընդհանուր ֆինանսավորումը կազմում է 67,2 մլն լարի: Կառավարության վարչակազմի հատկացումն ավելացել է 2,0 մլն լարիով եւ ընդհանուր ֆինանսավորումը կազմում է 19,2 մլն լարի:



ՀՈՒՆՎԱՐԻ 1-10-Ը՝ ՈՉ ԱՇԽԱՏԱՆՔԱՅԻՆ ՕՐԵՐ

Վրաստանի միջգերատեսչական համակարգող խորհրդի որոշմամբ, հունվարի 1-ից 10-ը հայտարարվում են ոչ աշխատանքային օրեր:



Ինչպես հայտարարեց միջգերատեսչական խորհրդի օպերատիվ շտաբի պետ Գիորգի Ղիբրաձեն, նշված ժամանակահատվածը ոչ աշխատանքային է հայտարարվելու միայն պետական հիմնարկների համար, մինչդեռ մասնավոր հատվածն ինքը կարող է այս ժամանակահատվածում արձակուրդ հայտարարել:

- Միջգերատեսչական խորհուրդը որոշեց հունվարի 1-ից հունվարի 10-ն ընկած ժամանակահատվածը հայտարարել արձակուրդ: Սա վերաբերում է հանրային հաստատություններին: Մասնավոր հատվածը կարող է ինքնուրույն որոշում կայացնել եւ արձակուրդ հայտարարել հունվարի 1-ից հունվարի 10-ն ընկած ժամանակահատվածը: Այս պահին լրացուցիչ սահմանափակումներ չեն կիրառվել, խորհրդի նիստում մեղմացման մասին որոշում նույնպես չի կայացվել,- ասաց Գիորգի Ղիբրաձեն:

ԱՏՈՐԱԳՐՎԵՑ ՈԱԶՄԱԿԱՆ ՀԱՄԱԳՈՐԾԱԿՑՈՒԹՅԱՆ ԾՐԱԳԻՐ

Վրաստանի պաշտպանության նախարար Ջուանշեր Բուրժուլաձեն պաշտոնական այցով գտնվում էր Ադրբեջանում:

Այցի շրջանակներում, Վրաստանի պաշտպանության նախարարը հանդիպում ունեցավ Ադրբեջանի նախագահ Իլհամ Ալիևի եւ ադրբեջանցի գործընկեր գեներալ-գնդապետ Ջաբիր Հասանովի հետ:

Ջուանշեր Բուրժուլաձեն եւ Ջաբիր Հասանովը ստորագրեցին երկկողմ ռազմական համագործակցության 2022 թվականի ծրագիրը:

ՈԼՈՐՏ

ԹԱՐՄԱՑՎԵՑ ԳՅՈՒՂԱՏՆՏԵՍՈՒԹՅԱՆ ՄԵՔԵՆԱՅԱՑՄԱՆ ԾՐԱԳԻՐԸ

Գյուղական զարգացման գործակալության տվյալներով, այսօրվանից քաղաքացիները կարող են դիմել Գյուղական զարգացման գործակալություն՝ մինչեւ 20 000 լարի, ինչպես նաեւ 20 000-ից 100 000 լարիի սարքավորումների համաֆինանսավորման համար:

Ծրագրի շրջանակներում, շահառուները կարող են ձեռք բերել պետության կողմից համաֆինանսավորվող սարքավորումներ: Ինչ վերաբերում է ծրագրի պայմաններին, պետական համաֆինանսավորումը տատանվում է 30-35 տո-

կոսի սահմաններում: Մնացած գումարը պետք է ներկայացնի շահառուն: Ծրագիրն իրականացվում է Վրաստանի բոլոր մունիցիպալիտետներում եւ ինքնակառավարվող քաղաքներում, ծրագրի բյուջեն կազմում է 50 000 000 լարի:

Գյուղատնտեսության մեքենայացման համաֆինանսավորման պետական ծրագրում 2021 թվականի նոյեմբերի 30-ի դրությամբ ստացվել է 3391 հայտ: Մինչեւ 20 000 լարի՝ սարքավորումների համաֆինանսավորման պահանջով կատարվել է 982 հայտ: 20 000-ից մինչեւ 100 000 լարիի սարքավորումների համաֆինանսավորման 2004 հայտ է ներկայացվել: 100 000 լարի եւ ավելի արժողությամբ

սարքավորումներով համաֆինանսավորման 405 հայտ է ներկայացվել:

Հիշեցնենք, որ գործակալությունը մեքենայացման ծրագրի շրջանակներում վաճառում է նաեւ պետական մեխանիզատորին պատկանող օգտագործված սարքավորումները: Պետության նպատակն է՝ մի քանի տարում առկա սարքավորումները փոխանցել մասնավոր հատվածին:

ԱԶԳԱՅԻՆ ԲԱԼԿ

ԼՐԱՑԱՎ 1995-1999 ԹՎԱԿԱՆՆԵՐԻ ԹՈՂԱՐԿԱԾ ԼԱՐԻԻ ԹՂԹԱԴՐԱՄՆԵՐԻ ՇՐՋԱՆԱՌՈՒԹՅԱՆ ԺԱՄԿԵՏԸ



Վրաստանի Ազգային բանկը քաղաքացիներին հիշեցնում է, որ 1995-1999 թվականներին լարիի անվանական արժեքով թղթադրամները որպես վճարման միջոց օգտագործելու ժամկետը լրանում է 2021 թվականի վերջին:

Տեղեկությունը տարածում է Վրաստանի Ազգային բանկը:

2022 թվականի հունվարի 1-ից 1995-1999 թվականների թողարկման լարիի անվանական արժեքով թղթադրամների

փոխանակումը հնարավոր կլինի միայն Վրաստանի Ազգային բանկի դրամարկղային կենտրոնում (Թբիլիսի, Կախեթի մայրուղի N72):

Համապատասխանաբար, 2021 թվա-

կանի դեկտեմբերի 31-ի դրությամբ բոլոր իրավաբանական եւ ֆիզիկական անձինք պարտավոր են օգտագործել 1995-1999 թվականների թողարկման բոլոր անվանական արժեքների թղթադրամները՝ (եթե դրանք համապատասխանում են լարիի թղթադրամների եւ մետաղադրամների վավերականության որոշման չափանիշներին)՝ վճարումը սահուն կատարելու համար:

ՄԱՅՐԱՔԱՐԱՔ

ԿԱՆԱԿԱՆԱՅԵ. «ՈՒՂԵՎԱՐՁԸ ԶԻ ԹԱՆԿԱՑԵԼ, ՆԵՐԴՐՎՈՒՄ Է ՆՈՐ ՎՃԱՐԱՅԻՆ ՀԱՄԱԿԱՐԳ»

ՈՒՄ ՀԱՍԱՐ ԵՎ ԻՆՉ ԱՐՏՈՆՈՒԹՅՈՒՆՆԵՐ ԵՆ ՍԱՀՄԱՆՎՈՒՄ

2022 թվականի փետրվարից Թբիլիսիում հասարակական տրանսպորտով (մետրո, ավտոբուս, միկրոավտոբուս) երթևեկությունը 50 թեթրի փոխարեն կդառնա 1 լարի, ուժի մեջ կմտնի նաեւ անսահմանափակ բաժանորդագրային (աբոնեմենտային) համակարգ:

Թբիլիսիի քաղաքապետ Կախա Կալաձեի խոսքով, 2022 թվականի փետրվարից մայրաքաղաքում կգործարկվի հանրային տրանսպորտի մեկժամյա, մեկօրյա, մեկշաբաթյա, մեկամսյա, եռամսյա եւ մեկ տարվա անսահմանափակ բաժանորդագրային համակարգը:

Մեկօրյա անսահմանափակ բաժանորդագիրը կարժենա 3 լարի, մեկ շաբաթը՝ 20 լարի, մեկ ամիսը՝ 40 լարի, երեք ամիսը՝ 100 լարի, մեկ տարվա քարտը՝ 250 լարի:

Անվճար եւ արտոնյալ երթևեկությունից կօգտվեն սպառողների մի քանի կատեգորիաներ:

Անվճար երթևեկության իրավունքը վերապահվում է Թբիլիսիում գրանցված հաշմանդամություն ունեցող կույրերին եւ ուղեկցող անձին, Երկրորդ համաշխարհային պատերազմի վետերաններին եւ նրանց հավասարեցված անձանց, Վրաստանի տարածքային ամբողջականության, ազատության եւ անկախության համար մարտական գործողությունների վետերաններին եւ նրանց հավասարեցված անձանց, Թբիլիսիում գրանցված ռազմական ուժերի վետերաններին, Վրաստանում ռազմական գործողությունների ժամանակ զոհվածների (մահա-

ցածների) ընտանիքների անդամներին, Թբիլիսիի վարչական սահմաններում գտնվող հանրային իրավունքի իրավաբանական անձի, հանրակրթական հաստատության ուսանողին եւ հանրակրթական հաստատությունների լիազորված մասնավոր կոմերցիոն կամ ոչ կոմերցիոն հաստատության ուսանողներին, Վրաստանի ՆԳ նախարարության Թբիլիսիի գլխավոր բաժնի աշխատակիցներին, Թբիլիսիի մանկապարտեզների անձնակազմին, «Թբիլետրվիս գրուպ» ՍՊԸ-ում աշխատողներին, «Յերմես» ՍՊԸ-ում աշխատող տեխնիկական աշխատողներին, Թբիլիսիի քաղաքապետարանի համավարակաբանական հսկողության եւ վարակիչ հիվանդությունների վերահսկման քաղաքային կենտրոնի, ոչ կոմերցիոն իրավաբանական անձի «Սոցիալական խնամքի գործակալություն» աշխատակիցներին:

Արտոնյալ ուղեվարձով/զնով ճանապարհորդելու իրավունքը (20 թեթրի) վերապահվում է Թբիլիսիի վարչական սահմաններում գտնվող հավաստագրված բուհերի ուսանողներին եւ մասնագիտական ուսումնարանի ուսանողներին, հանրակրթական հաստատությունների, մասնագիտական ուսումնական հաստատությունների,

պետական հսկողության ներքո գտնվող հանրային իրավունքի իրավաբանական անձի մասնաճյուղերի, ոչ կոմերցիոն իրավաբանական անձ՝ Թբիլիսիի քաղաքապետարանի արվեստի դպրոցների, ոչ կոմերցիոն իրավաբանական անձ «Ուսանողական-երիտասարդական ազգային պալատի», ոչ առևտրային իրավաբանական անձ, հանրային իրավունքի իրավաբանական անձ՝ արտադրողական արվեստի ուսումնական հաստատությունների աշխատակիցներին, Թբիլիսիում գրանցված «Պետական կենսաթոշակի մասին» Վրաստանի օրենքով սահմանված թոշակառուներին, պոլիկլինիկաներում աշխատող շրջանային բժիշկներին, շրջանային մանկաբույժներին եւ ընտանեկան բժիշկներին, ուսումնական հաստատություններում աշխատող ռեսուրսների աշխատակիցներին, հանրային իրավունքի իրավաբանական անձ՝ Սոցիալական ծառայության գործակալության Թբիլիսիի սոցիալական ծառայության կենտրոնում աշխատող սոցիալական գործակալներին, սոցիալական աշխատողներին:

Արտոնյալ ուղեվարձով/զնով ճանապարհորդելու իրավունքը (10 թեթրի) վերապահվում է սոցիալապես անապահով ընտանիքների միասնական բազայում գրանցված 70 000 եւ ցածր վարկանիշ ունեցող Թբիլիսիի տարածքում բնակվող քաղաքացիներին:

ՄԻՄՈՆ ԿԻԼԱԶԵ

ՏԱՐԵԿԱՆ ՀԱՇՎԵՏՎՈՒԹՅՈՒՆ

ԻՐԱԿԻ ՂԱՐԻՔԱՇՎԻԼԻ. «ՀԱՄՈՋՎԱԾ ԵՄ, ՈՐ ՀԱՄԱՏԵՂ ԶԱՆՔԵՐՈՎ ԿԿԱՐՈՂԱՆԱՆՔ ՎՐԱՍՏԱՆԻ ԶԱՐԳԱՑՈՒՄԸ ՀԱՍՑՆԵԼ ՈՐԱԿԱԿԱՆ ՆՈՐ ՄԱԿԱՐԴԱԿԻ»

(Սկզբը՝ 1-ին էջում)

ու համոզիչ հաղթանակ տարավ 63 մունիցիպալիտետներում: Մեր ժողովուրդը եւս մեկ անգամ արտահայտել է իր ամուր կամքը եւ կատարել իր ընտրությունը, որ երկիրը երբեք չի վերադառնա բռնի, անարդար եւ ճնշող անցյալ: «Վրացական երազանքը» համախմբված եւ ուժեղ թիւ է, հայրենասեր եւ արհեստավարժ մարդկանց միավորում, որը երրորդ ժամկետով ներկայացված է կառավարությունում եւ արժանանում է ժողովրդի վստահությանը 2012 թվականից: Մենք ուժ ենք, որը երաշխավորում է Վրաստանի անշրջելի ժողովրդավարական զարգացումը, խաղաղությունն ու կայունությունը, հայտարարեց Իրակլի Դարիբաշվիլին:

ՏՆՏԵՍԱԿԱՆ ԾՈՒՍԺԱՄԸ ՀԱՐԹԱՀԱՐՎԵՑ, ՎԱՎԵՐԱՑՎՈՒՄ Ե ՏՆՏԵՍԱԿԱՆ ԱՃ

Անդրադառնալով համընդհանուր համավարակով պայմանավորված տնտեսական դժվարությունների թեմային՝ Վրաստանի վարչապետն իր հանրագումարային ելույթում նշեց.

- Տնտեսական ճգնաժամի պատճառով, բազում մարդիկ կորցրեցին աշխատանքը, եկամուտը, շատ բիզնես հատվածներ դադարեցրին գործունեությունը եւ տնտեսական գործունեությունը առանձին ոլորտներում ընդհանրապես կանգ առավ: Վրաստանում ոչ պաշտոնական տնտեսական բաժինը համախառն ներքին արտադրանքում դեռեւս բավական բարձր է, եւ այդ հիմնախնդիրը երկրի կառավարության համար լուրջ մարտահրավեր դարձավ, քանի որ ճգնաժամի արդյունքում հասցված վնասի փոխհատուցումը ոչ պաշտոնական զբաղված մարդկանց համար բավական դժվար էր: Այդ պատճառով մեր թիմի հետ միասին, առկա սահմանափակումների վերանայման եւ առողջապահության ու տնտեսական շահերի միջեւ իրատեսական հավասարակշռության պահպանմամբ, ձեռնամուխ եղանք տնտեսության վերականգնմանն ու խրախուսմանը, ինչը դրական արդյունքների հանգեցրեց: Եկոնոմիկան արդեն մի քանի ամիս է, ինչ ընթացքում է վերելքի ուղիով եւ այդ քայլերի շնորհիվ հասանք լարիի կուրսի աստիճանական կայունացմանը: Համախառն ներքին արտադրանքը հունվար եւ փետրվար ամիսներին խիստ բացասական էր, մարտից սկսվեց տնտեսական վերելքը եւ վավերացվեց տնտեսական աճ: Մեր հաշվարկներով տարեվերջին կունենանք երկնիշ տնտեսական աճ, ինչը ոչ միայն տարածաշրջանում, այլեւ Եվրոպայի ծավալով ամենախաղաղ է: Կարծում եմ, որ հասարակայնությունը հստակ տեսնում է տնտեսական կառավարման մոտեցումների եւ արդյունքների միջեւ առկա տարբերությունը, վերջին ժամանակահատվածի չափանիշների բարելավումը: Թեեւ, ինչ խոսք, առաջիկա ամեկիքները շատ են, որպեսզի տնտեսության դրական միտումները զգալի դառնան յուրաքանչյուր ընտանիքում: 2022 թվականին ծրագրել ենք առնվազն 6 տոկոսի տնտեսական աճ, իսկ տնտեսական ողջ ծավալը պետք է կազմի մոտ 65 միլիարդ լարի, ինչը համախառն ներքին արտադրանքի՝ յուրաքանչյուր շնչի փայաբաժինը կկազմի պատմական առավելագույն՝ 5 500 դոլար:

2022 ԹՎԱԿԱՆԻ ՀՈՒՆՎԱՐԻՑ ԿԵՆՍԱԹՈՇԱԿՆԵՐԸ ԵՎ ԴԵՏԾԱՌԱՅՈՒՆԵՐԻ ԱՇԽԱՏԱՎԱՐՋԸ ԿՎՎԵԼԱՆԱ

Իր հանրագումարային ելույթում Վրաստանի վարչապետ Իրակլի Դարիբաշվիլին, անդրադառնալով սոցիալական հարցերին, նշեց, որ կառավարությունը, բնակչությանը տրված խոստումներին համապատասխան, իրականացնում է կենսաթոշակների եւ աշխատավարձի ավելացման ծրագիրը:

- Հաջորդ տարվա բյուջեն նախատեսում է պետական հատվածի աշխատավարձերի 10 տոկոսով բարձրացում, որը համակարգված կշարունակվի առաջիկա տարիներին, հայտարարեց Իրակլի Դարիբաշվիլին:

- 2022 թվականի հունվարից մինչեւ 70 տարեկան թոշակառուների կենսաթոշակը կկազմի 260, 70-ն անց թոշակառուներինը՝ 300 լարի, իսկ բարձրաւե բնակավայրերում ապրող կենսաթոշակառուներինը՝ 312 լարի՝ հաշվի առնելով այնտեղ առկա հավելումը: 70 եւ բարձր տարիքի կենսաթոշակառուների կենսաթոշակը 300 լարի է, իսկ բարձրաւե բնակավայրերում նույն կարգի կենսաթոշակը կկազմի 360 լարի: Նաեւ պատերազմի վետերանների ամսական օգնությունը 22 լարից կդառնա 100 լարի: 2021 թվականի հուլիսից կրկնապատկվել է նաեւ սոցիալապես անապահով ընտանիքների երեխաներին տրվող օգնությունը, որը յուրաքանչյուր երեխայի համար կազմել է 100 լարի, նշեց վարչապետը:

ՀԱՋՈՐԴ ՏԱՐՎԱ ԳԼԽԱՎՈՐ ԱՌԱՋԱՎԵՐԹՈՒԹՅՈՒՆԸ Ե ՀԱՄԸՆԴԱՆՈՒՐ ԱՌՈՂՋԱՊԱՀՈՒԹՅՈՒՆՆ Ե

Ինչպես նշեց Իրակլի Դարիբաշվիլին, հաջորդ տարվա հիմնական առաջնահերթությունը, իհարկե, կլինի համընդհանուր առողջապահական ծրագիրը, որի ֆինանսավորումը 2022 թվականից կավելանա 20 մլն լարիով:

Կառավարության ղեկավարի խոսքով, նախատեսվում է նաեւ հավասարեցնել շտապօգնության բժիշկների եւ անձնակազմի աշխատավարձերը թբիլիսիում եւ մարզերում, ինչը նույնպես կլինի առողջապահական բարեփոխումների ուղղությամբ կարեւոր քայլերից մեկը:

- Արդեն շաքարային դիաբետով ախտորոշված երեխաների համար կֆինանսավորվեն արյան գլյուկոզի մշտական մոնիթորինգի համակարգերը: Հաջորդ տարվանից դպրոցներում դպրոցական բժիշկների ծառայությունների մատուցումն ու բուժկետերի գործարկումը կիրականացվեն նախարարության կողմից մշակված ստանդարտով: Ավելի քան 3000 հարկադիր վերաբնակների ընտանիքներին այս տարի արդեն բնակարան է հանձնվել, նույնքան էլ կհանձնվի եկող տարում: Ես արդեն նշել եմ կենսաթոշակներն ու տարբեր գործիքները, որոնք հաջորդ տարի կբարելավվեն մեր քաղաքացիների սոցիալական վիճակը, - ասել է Իրակլի Դարիբաշվիլին:

ԿԶԵՆԱՐԿՎԵՆ ՄԻՋՈՑՆԵՐ ԴԵՂԵՐԻ ԹԱՆԿԱՑՈՒՄԸ ԿԱՐԳԱՎՈՐԵԼՈՒ ՈՒՂՈՒԹՅԱՄԲ

Շարունակելով առողջապահության թեման՝ Վրաստանի վարչապետն անդրադարձավ նաեւ դեղագործական շուկայում առկա իրավիճակին՝ նշելով, որ այսօր սա շատ



սուր եւ կարելու խնդիր է, որն անպայման լուծում կստանա:

- Նախատեսում ենք նաեւ կարգավորել դեղագործական շուկան՝ դեղերի թանկացման մոտեցումը փոխելու եւ քաղաքացիների կողմից դեղերի ծախսերը նվազեցնելու նպատակով: Մենք սկսել ենք խոսել բիզնեսի հետ այս ուղղությամբ, եւ մեր բնակչությունը շուտով կտեսնի փոփոխությունները:

Մեր կառավարության առաջնահերթություններից մեկը մարդու իրավունքների պաշտպանությունն է: Հաջորդ տարվանից խորհրդարան կներկայացվի մարդու իրավունքների պաշտպանության մոր ռազմավարություն, որի նպատակն է ամրապնդել մարդու իրավունքների ամենաբարձր չափանիշները, հայտարարեց Իրակլի Դարիբաշվիլին:

2022-ԻՆ 3,3 ՄԻԼԻԱՐԴ ԼԱՐԻ՝ ԵՆԹԱԿԱՌՈՒՅՑԱՅԻՆ ՆԱԽԱԳԾԵՐԻ ՀԱՄԱՐ

Իրակլի Դարիբաշվիլին ներկայացրեց ծրագրված ենթակառուցային նախագծեր: Նրա խոսքով, ենթակառուցային նախագծերի զարգացման համար սահմանված 2022 թվականի բյուջեն ռեկորդային է, որը կազմել է 3,3 միլիարդ լարի:

- Այս տարի նախատեսում ենք սկսել շատ կարեւոր նախագծեր: Բոլոր մունիցիպալիտետներում սկսել ենք քաղաքաշինության ծրագրերը, որոնցում առաջին փուլում կծախսվի մոտ 500 մլն լարի, եւ առաջիկա մի քանի ամիսների ընթացքում կավարտենք այս ծրագիրը: Բյուջեն ընդհանուր առմամբ կկազմի 3,3 միլիարդ լարի, ինչը 16 տոկոսով ավելի է, քան այս տարի էր, եւ 28 տոկոսով ավելի, քան ենթակառուցվածքների նախարարության 2020 թվականի ողջ բյուջեն: Ասեմ նաեւ, որ շահագործման կհանձնվի Արեւելք-Արեւմուտք մայրուղու եւս 50 կմ, ինչը 20 ռոպեով կկրճատի ճանապարհի ժամանակը: Արեւելք-Արեւմուտք միջանցքի ավարտից հետո բոլոր հատվածների շահագործման հանձնելու արդյունքում ճանապարհի ժամանակը կկրճատվի երկու անգամ, նշեց Իրակլի Դարիբաշվիլին եւ հավելեց, որ ջրամատակարարման լայնածավալ ծրագրեր են իրականացվում, եւ 4 տարի անց բոլոր քաղաքներում շուրջօրյա ջրամատակարարում կլինի:

- Ներկայումս 150 բնակավայրերում իրականացվող ծրագրերը կբարելավեն 360 000 մարդու ջրամատակարարումը: Դրանցից 200 հազարը երբեք ջրամատակարարման հնարավորություն չի ունեցել: 4 տարի հետո բոլոր քաղաքները կունենան 24-ժամյա ջրամատակարարում, - ասաց վարչապետը:

ՎՐԱՍՏԱՆԻ ԿԱՐԵՎՈՐ ԴԵՐԸ ՄԻՋԱԶԳԱՅԻՆ ՕՐԱԿԱՐԳՈՒՄ

Իրակլի Դարիբաշվիլին հավաստմամբ, Վրաստանը շարունակում է կարեւոր դեր խաղալ միջազգային օրակարգում, եւ մեր ռազմավարական գործընկերների հետ տարբեր ոլորտներում առկա հարաբերություններն է՛լ ավելի ինտենսիվ են դարձել:

- Վրաստանը վստահելի գործընկեր է ԱՄՆ-ի եւ Եվրամիության համար տարածաշրջանում: Այս փաստը հաստատում է հարեւան երկրների հետ Վրաստանի, ԱՄՆ-ի եւ Եվրամիության մասնակցությամբ հաջող միջոցառության օրինակը: Հիշո՞ւմ եք, որ իմ կողմից ներկայացված հաջող միջոցառությամբ այս տարվա հունիսին Ադրբեյջանի եւ Հայաստանի կառավարությունների միջեւ ձեռք բերվեց ամենակարեւոր պայմանավորվածությունը՝ Ադրբեյջանի կառավարությունը ազատ արձակեց պատերազմի ժամանակ գերի ընկած 15 հայ զինվորականի, իսկ Հայաստանն իր հերթին Ադրբեյջանին է հանձնել ակնանապատ տարածքի քարտեզները: Սա Արեւմուտքի հետ սերտ համագործակցության եւ տարածաշրջանի աշխարհաքաղաքական գործընթացներին ակտիվ մասնակցության վառ օրինակ է, - ասաց Իրակլի Դարիբաշվիլին:

Ինչպես նշեց Վրաստանի վարչապետը, «Վրացական երազանքը» կառավարություն է, որի օրոք Վրաստանը ինչպես երբեք մոտ է Եվրոպական եւ Եվրատլանտյան կառույցներին:

- Հենց «Վրացական երազանքի» կառավարության օրոք ուժի մեջ մտավ անայցեգրային ռեժիմը եւ Եվրոպայի հետ ազատ առեւտուրը, որին նախորդել էր իմ առաջին վարչապետության ընթացքում վիզաների ազատականացման գործողությունների ծրագրով նախատեսված բոլոր պարտավորությունների հաջող կատարումը:

Մենք ուժ ենք, որը հրաժարվել է Ռուսաստանի հետ իռադիցիոնալ եւ արկածախնդիր քաղաքականությունից ու միջազգային երկխոսության ձեւաչափերով հայտարարել խաղաղ եւ պրագմատիկ քաղաքականություն, որը միակ ճանապարհն է՝ լուծել մեր միջեւ հիմնական խնդիրը՝ օկուպացիան, տարածքային ամբողջականությունն ու ապաքննազավթումը: Նշեց Իրակլի Դարիբաշվիլին:

Վարչապետի խոսքով, հիմնական ուղղություններից մեկը լինելու է Վրաստան-Ադրբեյջան, Վրաստան-Հայաստան, Վրաստան-Թուրքիա քաղաքական եւ տնտեսական հարաբերությունների ամրապնդումը, առկա ներուժը առավելագույնի հասցնելը եւ տարածաշրջանում ենթակառուցվածքային նախագծերի զարգացումը:

- Մենք ունենցել ենք շատ հաջող արտաքին քաղաքականություն, այդ թվում՝ մի շարք հաջող, արդյունավետ այցեր: Մենք շարունակելու ենք մեր համագործակցությունն այս ուղղությամբ, եւ մեր այցելությունները տարածաշրջան է՛լ ավելի ակտիվ են լինելու, - հայտարարեց Իրակլի Դարիբաշվիլին: